

ZAKON
O IZMJENAMA I DOPUNAMA ZAKONA
O AGENCIJI ZA PREVENCIJU
KORUPCIJE I KOORDINACIJU BORBE
PROTIV KORUPCIJE¹

¹ Službeni glasnik BiH broj 58/13 od 23.7.2013. godine

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 49. sjednici Predstavničkog doma, održanoj 6. juna i 8. jula 2013. godine, i na 30. sjednici Doma naroda, održanoj 15. jula 2013. godine, usvojila je

ZAKON
O IZMJENAMA I DOPUNAMA ZAKONA O AGENCIJI ZA PREVENCIJU
KORUPCIJE I KOORDINACIJU BORBE PROTIV KORUPCIJE

Član 1.

U Zakonu o Agenciji za prevenciju korupcije i koordinaciju borbe protiv korupcije ("Službeni glasnik BiH", broj 103/09) u članu 7. (Antikorupcijski principi) stav (1) tačka d) druga rečenica koja glasi: "Ako lice koje prijavi eventualno koruptivno ponašanje ili nepropisno postupanje u obavljanju javne službe trpi posljedice, ima pravo na odštetu utvrđenu posebnim postupkom kod nadležnog organa, o čemu će Agencija donijeti poseban propis" briše se.

Član 2.

U članu 15. (Razrješenje direktora dužnosti) u stavu (1) tačka e) mijenja se i glasi: "e) prekrši Kodeks ponašanja zaposlenih u Agenciji za vrijeme izvršavanja svojih obaveza".

Član 3.

U članu 17. u stavu (2) iza riječi "imenuje" dodaju se riječi: "i razrješava."
Stavovi (4) i (5) mijenjaju se i glase: "(4) Mandat tri predstavnika iz Predstavničkog doma i tri predstavnika iz Doma naroda Parlamentarne skupštine Bosne i Hercegovine imenovana u Komisiju traje koliko i mandat saziva Parlamentarne skupštine Bosne i Hercegovine u kojem su izabrani. (5) Mandat dva predstavnika akademske zajednice i jednog predstavnika nevladinog sektora traje četiri godine od dana imenovanja u Parlamentarnoj skupštini Bosne i Hercegovine."

Član 4.

Iza člana 17. dodaju se novi čl. 17a., 17b. i 17c. koji glase:

"Član 17a.

(Definicija Komisije)

- (1) Komisija je nezavisno tijelo Parlamentarne skupštine Bosne i Hercegovine s nadležnostima utvrđenim članom 18. ovog zakona.
- (2) Postupak i način rada Komisije, u mjeri u kojoj nisu propisani ovim zakonom, utvrđuju se Poslovnikom Komisije.
- (3) Sekretarijat Parlamentarne skupštine Bosne i Hercegovine pruža stručnu i administrativno-tehničku podršku Komisiji.
- (4) Sredstva za rad i naknade za rad članova Komisije osiguravaju se u budžetu Parlamentarne skupštine Bosne i Hercegovine.
- (5) Visinu naknada i sredstava iz stava (4) ovog člana utvrđuje Zajednička komisija za administrativne poslove Parlamentarne skupštine Bosne i Hercegovine.

Član 17b.

(Procedure za imenovanje predstavnika akademske zajednice i nevladinog sektora i razrješenje članova Komisije)

- (1) Predstavnike akademske zajednice i nevladinog sektora u Komisiji imenuje Parlamentarna skupština Bosne i Hercegovine na osnovu rang-liste koju je utvrdila ad hoc komisija Parlamentarne skupštine Bosne i Hercegovine.
- (2) Ad hoc komisija ima šest članova, od kojih su tri poslanici koje imenuje Predstavnički dom, a tri delegati koje imenuje Dom naroda Parlamentarne skupštine Bosne i Hercegovine.
- (3) Ad hoc komisija Parlamentarne skupštine Bosne i Hercegovine provodi proceduru za izbor novih predstavnika akademske zajednice i nevladinog sektora u Komisiju tri mjeseca prije

isteka mandata, odnosno u roku od 90 dana od dana razrješenja članstva u Komisiji ili smrti.

- (4) Stručne službe Sekretarijata Parlamentarne skupštine Bosne i Hercegovine vode evidenciju o trajanju mandata članova Komisije, te u skladu s odredbama ovog člana pokreću postupak imenovanja novih članova.

Član 17c.

(Razrješenje dužnosti članova Komisije) Član Komisije bit će razriješen dužnosti:

- a) na lični zahtjev;
- b) ostavkom na članstvo u Komisiji;
- c) ako nastupe okolnosti koje člana Komisije dovode u sukob interesa u skladu s važećim propisima;
- d) ako član Komisije bude osuđen za krivično djelo bez obzira na vrstu i visinu kazne;
- e) ako se na osnovu mišljenja nadležne zdravstvene ustanove utvrdi da je trajno spriječen da obavlja svoju dužnost u Komisiji."

Član 5.

U članu 18. (Nadležnosti Komisije) stav (1) mijenja se i

glasi:

"(1) Komisija ima sljedeće nadležnosti:

- a) prati rad Agencije;
- b) pokreće postupak imenovanja direktora i zamjenika direktora Agencije u skladu sa Zakonom;
- c) pokreće postupak razrješenja direktora i zamjenika direktora Agencije u skladu s članom 15. Zakona;
- d) razmatra izvještaje o radu Agencije najmanje dva puta godišnje ili po potrebi;
- e) razmatra izvještaje o reviziji finansijskog poslovanja Agencije."

U stavu (2) na kraju teksta dodaju se sljedeće rečenice: "Za potrebe praćenja, Komisija može zatražiti posebne izvještaje. Agencija podnosi izvještaje Komisiji u skladu s propisima o zaštiti ličnih i tajnih podataka, o aktivnostima iz djelokruga i nadležnosti Agencije."

Iza stava (2) dodaje se novi stav (3), koji glasi: "(3) Komisija jednom godišnje dostavlja Parlamentarnoj skupštini Bosne i Hercegovine izvještaj o svom radu". Dosadašnji stav (3) postaje stav (4).

Član 6.

Član 19. (Obavljanje administrativno-stručnih poslova) briše se.

Član 7.

Ovaj zakon stupa na snagu osmog dana od dana objavljivanja u "Službenom glasniku BiH", a bit će objavljen i u službenim glasilima entiteta i Brčko Distrikta BiH. Broj 01,02-02-1-52/12
15. jula 2013. godine Sarajevo

Predsjedavajući

Predstavničkog doma

Parlamentarne skupštine BiH

Dr. Denis Bećirović, s. r.

Predsjedavajući

Doma naroda

Parlamentarne skupštine BiH

Mr. Ognjen Tadić, s. r.